

Mid-Day Dogri News Bulletin, 14th April 2024

समे – 12:25

<><><><><><>

B.R.Ambedkar

राश्ट्र अज्ज भारतीय संविधान दे मुख्ख निर्माता डॉ. बी.आर.अम्बेडकर हुंदी 134मीं जयंति पर श्रद्धांजलि अर्पित करा करदा ऐ। इस मौके आकाशवाणी ते दूरदर्शन जम्मू च आयोजित कायक्रम दरान बाबा साहेब होरें गी फुल्ल भेंअ करदे होई भावे भरोची श्रद्धांजलि दिक्ती गई। डॉ. अम्बेडकर होर समाजी बदलाव दे प्रणेता ते बहुमुखी प्रतिभा हे जिनें न्याविद, शिक्षा विद, अर्थशास्त्री ते समाज सुधारक दे तरौ पर देश ते समाज दे विकास च बेजोड़ योगदान दिक्ता।

<><><><><><>

BJP Manifesto

बीजेपी नै औंदे लोकसभा चुनाएं लेई संकल्प पत्र नां कन्नै ज्ज अपना घोषणा पत्र जारी कीता। घोषणा पत्र नमीं दिल्ली च पार्टी मुख्यालय च पार्टी दे वरिष्ठ लीडरें ते प्रधानमंत्री नरेन्द्र मोदी हुंदी मजूदगी च जारी कीता गेआ। इस मौके री मोदी होरें अपने संबोधन च आक्खेआ जे बीजेपी त्रै जरियै तरीकें कन्नै 21मीं सदी दे भारत दी नीह मजबूत करना जा करदी ऐ, पैहला सोशल ढांचा, दूआ डिजीटल ढांचा ते त्रिया फिजीकल ढांचा। उनें अग्गे आक्खेआ जे समाजी ढांचे दे विकास लेई शैक्षणिक इदारें, ठोस ढांचे तैहत समूलचे देसै च जरनैली शिड़कें, रेलवे, हवाई यात्रा ते पानी च यातायात दा विस्तार कीता जा'रदा ऐ। डिजीटल ढांचे दे विकास लेई 54 नेटवर्क दा विस्तार करदे होई 6-जी पर कम्म करा'रदे न। प्रधानमंत्री होरें इब्बी आक्खेआ जे जंदे ब'रे मुद्रा योजना नै करोड़ें लोकें गी उद्यमी बनाया ऐ ते हुन एहड़े तैहत दिक्ते जाने आले दोआर कर्जे दी सीमा 10 लक्ख थमां बधाइयै 20 लक्ख करने दा फैसला लैता ऐ।

<><><><><><>

Campaign Intensified-JK

लोकसभा चुनां दे पैहले गेड़ दे मतदान आस्तै राजनीतिक पार्टिं अपने मेदवारें आस्तै प्रचार तेज करी दिक्ता ऐ।

बक्ख-बक्ख राजनीतिक दल अपने स्टार प्रचारकें गी मैदान च तोआरियै रैलिंगं ते रोड शो आयोजित करा'रदे न। पैहले गेड़ च जम्मू कश्मीर दी उधमपुर लोकसभा सीट आस्तै 19 अप्रैल गी वो पोंगन। इस सीट पर कांग्रेस मेदवार चौधरी लाल सिंह हुंदे आसतै प्रचार करदे होई पार्टी नेता राज बब्बर होरें कल लोकें गी भरोसा दोआया जे सत्ता च औने मगरा कांग्रेस अग्निवीर स्कीम गी खत्म करियै आम नियुक्तियां ब्हाल करोग। उनें आक्खेआ जे मोदी सरकार दी नीतियां युवा विरोधी, गरीब विरोधी ते करसान विरोधी न ते देश दे अहम मुद्दें पर प्रधानमंत्री होर ध्यान नेई दिंदे। एह्दे शा पैहले बीजेपी स्टार प्रचारक प्रधानमंत्री नरेन्द्र मोदी होरें ते उत्तर प्रदेश दे मुख्मन्त्री योगी आदित्यनाथ होरें जम्मू दे उधमपुर ते कठुआ च बीजेपी मेदवार डॉ. जितेन्द्र सिंह हुंदे आस्तै रैलियां कीतियां हियां। केन्द्र गृहमन्त्री अमित शाह होर जम्मू च 16 अप्रैल गी अपनी पैहली चुनावी रैली करगंन। शाह होर जम्मू संसदीय क्षेत्र थमां बीजेपी मेदवार जुगल किशोर शर्मा हुंदे आस्तै प्रचार करगंन। तोआई नैशनल कांफ्रेंस दे प्रधान डॉ. फारुक अब्दुल्ला होरें कल आक्खेआ हा जे INDIA गठबंधन जम्मू, कश्मीर ते लद्दाख च सारिं 5 सीटें पर जित्त हासल करोग।

<><><><><><><>

Election Polling-JK

जम्मू कश्मीर च पार्लिमानी चुनाएं च मतदाताएं दी बद्धोबद्ध शमूलियत गी पक्का करने लेई चुनां प्रशासन नै बूथ-सतह दे सब्बने अफसरें गी चुनां दी तरीकै कशा 5-7 दिन पैहले 100 फीसद मतदाता स्लिपां बंडी देन। तोआई केन्द्री सशस्त्र पुलस बलें ते जम्मू कश्मीर पुलस आस्सेआ फ्लैग मार्च कीते जांगन ते ममूली आली गश्त बधाई दित्ती जाग ते नाकें गी तगड़ा कीता जाग तां जे राष्ट्र विरोधी ते समाज दे दुश्मन अनासिरें पर काबू कीता जाई सकै ते लोकें दे विश्वास गी बधाया जाई सकै। अधिकारिं मूजब इनें हीलें दा मकसद ऐ जे हर मतदाता कश अपनी वोटर स्लिप होवै ते ओ सिद्दे अपने मतदाता केन्द्र च जाइयै वोट पाने दे अपने अधिकार दा इस्तेमाल करी सकै ते 80 शा बद्ध लोक वोट पाने गी औन। जम्मू कश्मीर दे मुख्म चुनां अधिकारी पी.के.पोले होरें इस चाल्ली दे सब्बने इंतजामें दी नजरसानी करा'रदे न। जम्मू कश्मीर च उधमपुर-डोडा, जम्मू-रियासी, अनंतनाग-पुंछ-राजौरी, रनगर ते बारामुला 5 पार्लिमानी हल्कें न।

<><><><><><><>

ECI-KYC

औंदे लोकसभा चुनाएं दरान जवाबदेही ते पारदर्शिता गी तगड़ा करने लेई भारती चुनां आयोग नै “know Your Candidate” नां कन्नै इक नमीं ऐप विकसित कीती ऐ। आकाशवाणी जम्मू दे संवाददाता दी रिपोर्ट मूजब इस ऐप राएं नागरिकें गी चुनां लड़ा'रदे मेदवारें दी अपराधिक प्शोकड़ बारे पता लाने च मदद हासल होग। केवाईसी ऐप गी इस्तेमाल करने लेई मतदाताएं गी “चुनां दी किस्म” टाइप करियै असैंबली जां पार्लिमानी चुनां हल्कें दा नां लिखना होग, जेह्दे नै नामांकित मेदवारें दी फौरिस्त सामनै आई जाग। मतदाता इआं सिद्दे मेदवार दा नां लिखियै बी ओह्दे बारे जानकारी हासल करी सकदे न। एह् ऐप मेदवार दी अपराधिक प्शोकड़ बारे पूरा ब्यौरा देग। ओह्दे खलाफ किन्ने अपराधिक मामले दर्ज न, उनें मामलें दी इसलै स्थिति केह् ऐ ते अपराधें दा सोआतम कनेया ऐ। एह्दे च कन्नै मतदाता अपने मेदवार दे बारे च पूरी जानकारी प्राप्त करने मगरा गै एह् फैसला करी सकगंन जे उंदा कीमती वोट किस मेदवार गी जाना चाहिदा।

<><><><><><>

Mega Voter Awareness

औंदे लोकसभा चुनाएं च लोकें दी बद्ध शा बद्ध हिस्सेदारी जकीनी बनाने ते लोकतांत्रिक मुलें गी बढ़ावा देने दी कोश्ट च कठुआ च मशहूर रजीत सागर झील कंउे बसोहली दी सनाकड़ी थाहर पुरथु च अपनी किस्में दा इक नूठे मतदाता कार्यक्रम दा सरिस्ता कीता गेआ। जिला चुनावी सैल आस्सेआ खास तौरा पर बनाए गेदे साद्दे आले काडें तख्तिएं गी हत्थें च लेइयै आशा ते आंगनवाड़ी वर्करें लोकें बी औंदे चुनाएं च बधी चढ़ियै हिस्सा लैने लेई प्रेरित करने दे जिला प्रशासन दे धेइयै पर लोह पाई।

<><><><><><>

DRDO

रक्षा अनुसंधान ते विकास संगठन डीआरडीओ नै भारतीय सेना नै देसै च बनी दी पैहली मैन पोर्टेबल एंटी टैंक गाइडेड मिसाइल दा कामयाबी कन्नै परीक्षण कीता। एह्दा परीक्षण राजस्थान दे पोखरण फील्ड फायरिंग रेंज च कल कीता गेआ।

रक्षा मंत्रालय नै आक्खेआ ऐ जे हुन खीरी मूल्यांकन लेई तैआर ऐ जेहदे परैत इसी भारतीय सेना च शामिल करी लैता जाग।

<><><><><><>

Devika Beisakhi Mela-Udhampur

उधमपुर जिले च ऐतिहासक त्रै दिनें आला ऐतिहासक देविका बसाखी मेला उधमपुर दियां डीसी सोलानी राय हुंदी दिक्ख-रिक्ख च पवित्र देविका नदी दे कंठे कल जोश जब्बे कन्नै शुरू होआ। इस मौके सूचना ते जन संपर्क मैहकमा डीआईसी आस्सेआ स्वीप तैहत इक सिरलेख अधारत बड़े सांस्कृतिक कार्यक्रम दा सरिस्ता कीता गोआ।

<><><><><><>